欽 定 全 唐

欠足と与と一人笑とうトニー目録	論中人擊崔發疏	奏請停徵久遠逋懸疏	諫晏朝	考校京官奏	論隻日視事奏	處理投匭人奏	上封事表	李渤	欽定全唐文卷七百十二目錄
_									

詩兒渭南攤征逃户賦稅疏 村州舉前容管經略使嚴公素自代狀 李桂管常平義倉狀 司空侯安都廟記

Marie de la Company

· 次定全害文 卷七百十二 目錄	芽山元靜李先生傳	王屋山貞一司馬先生傳	中嶽體元潘先生傳	唐茅山昇真王先生傳	齊興世館主孫先生傳	朱廬山簡寂陸先生傳	仙人臨沮令許君傳	雷平山真人許君傳

an. A

次定全每文·▼长七万十二 臣渤言臣伏見今月 渤字潘之洛陽人勵志不仕隱嵩山元和初以山人徵為 宗立轉給事中出為桂管觀察使太和五年以太子賓客 左拾遗不赴九年召為著作郎穆宗朝果遷諫議大夫敬 欽定全唐文卷七百十二 **徵卒年五十九贈禮部尚書** 者悉許上陳無有所隱臣竊以陛下登極已來擢自嚴 李渤 上封事表 一日赦聞中外僚例應有策略可濟 李渤

是守其下是戰又言感不成不失為守守不成不失為戰 前者上言為國之道也今掃清淮西是陛下之聖也社稷 漢代先零羌反趙充國守屯田辛武賢請討襲宣帝两行 於君如鷹鸇之逐鳥雀奮不顧身真陛下義勇之臣也昔 野者惟一人而已臣感殊獎不合私身身既不私豈宜爱 金ラニオコーカコーニ 此求廟戰爲陛下萬全之謀也其直言必戰者是見無禮 之雖各成本功豈如陛下雄邁獨斷竟斬滅兇廣則微臣 死若臣者得死於義則樂於生遠矣以元和九年十二月 二十六日奏平賊三術並皆請不拾元濟其上是威其次

欽定全唐文 卷七百十二 李勒 學易見三皇之道加之以書見五帝之德加之以詩禮見 帝之書即楚靈王所謂三墳五典是也書敘又云三墳言 中謝臣昔到薪偷服讀書至周禮見春官外史掌三皇五 大道也五典言常道也然則三五之君君之至者矣臣曾 聖慈容其迁繁曲賜終覽則疎退小臣死骨不朽矣臣某 轉復自忘幽朴遠獻獨言冀以歷露少裨海嶽竊以陛下 之福也臣獨不勝懇款願朝廷增修德政以享外寧之功 三王之仁加之以春秋見五霸之義葬戰國策極於隋史 天縱生知又睹學不倦故臣敢依託經史敷陳下情特乞

於天天法道者不疾而速不行而至範圍天地曲成萬物 見沿代得失參以百家統以九流又遺其繁華撫其精實 易稱先天而天不違又云鼓萬物不與聖人同憂是三皇 自冥於地地則天者其德廣運乃聖乃神乃武乃文書 在上至朴未散天下大同無思無為逍遥而已五帝之教 知其德至矣三王之政自冥於仁仁效地者不識不知無 天聰明自我人聰明天明畏自我人明威孔子曰唯天為 大唯堯則之是也五帝在上惟精惟一允執厥中百姓不 視點聽順其所自故遊涉中理也考第三皇之化自冥

義相感天下太和故行華天保之詩作成康襲政刑措 於秦習於秦感於秦不盡刷秦惡特見制度與夫三代聯 周法刻去井田殘蝕六國知及之仁不能守之故二世而 孔子曰其或繼周者雖百代可知也彼蕭曹輩生於秦長 亡漢高帝寬仁大度與人同利任能使善聽納竟甸萬國 思不服本以六德六行文以五禮五樂孔子曰以仁理 又日克已復禮天下歸仁馬是也三王在上上仁下義仁 -年至於五霸力義統盟功過樑駁傷壞王猷秦政戝隨 此其未至也然皆根於忠朴與清靜其世代長久者亦 学的

蜀諸寇非項氏等夷其佐命與三傑亦異校其武蹤功次 未抵大中數景武昭宣亦各有美皆以樂賢從諫風流 敦九族肝食以達幽枉無倖私無矜色章帝性仁厚行春 帝雖白水乘舊德賊恭百萬且潰且消又平赤眉銅馬隴 自牧以謙自勤以勞兢兢若不及過矣無次也明帝孝思 窮元成哀平過有輕重皆以點賢嬖佞稔疊亡國光武皇 異賈誼尚以為皇號甚美論德不稱豈非兼以造程裁範 在此文帝躬約素德罷構露臺卻干里馬熙然與刑措無 祖若乃稽古宅周勲臣壽儒學光教化汝治躬践理平 炭全唐文| 卷七百十二

唇塞劇矣然災告罪已罷劾三公然制省薄亦足稱也此 餘風皆洛都之令主自獨已下不足徵也桓靈不道羣聰 令建胎養法賦貧人以苑地和帝抑符瑞省貢獻有明章 飲定全喜文 卷七百十二 李物 腥聞在上赤帝之祚其七也忽馬蜀先主任託孔明有人 侵政誅滅賢俊流毒蒸人鬻官於朝列肆於內羣盜大起 外無他勝略繼以荒允鄰豪敵臣奸雄延數代而亡實為 直醉輝光藹然然違欽言橋議使黼衣左袵數百年華 幸矣晉武承三葉權力通一淮海焚怪服讓泥金容劉毅 人風烈魏文帝席父業擅妄大言輕議舜禹摧末疎本其 羽

漢世祖帝雕蜀更韶以書貴服其心恥以虚為勝也何以 造以島夷索虜相濟得不愧顏於讓畔通樂乎自隋沒唐 其失也浮房俗愚其失也鄙滯名不勝質故陳滅於隋昔 猜毒消私移之以務禽奢奔必有共蘇之敗馬嗣主善惡 病同蕭曹祖述素漢憲章周隋使周邵得擅美於前代者 **紊駁三者擬諸二漢兇或逾之美不及者也大槩吳風巧** 奇算約之以勤儉必有夏呂之功馬殘國者皆淫逸其心 不振者罪朽矣矣南北分朝質文術背造那者挺雄才勢 帝頒春鄉二百年矣革土垂號亞姬敵劉但房杜

一 若沒驚雲撓為動未息易曰通其變使人不倦神而化 皆輔理名才不宜責以經國也李林甫元載媚君以佞該 竊聞至德以來天下常思太平君臣之心非不思切近於 欠己白島と一天上与上二 今來未稱者是人倦而不知變雖君婚堯禹臣越伊問記 之使民宜之窮則變變則通通則久自天祐之吉無不利 者非二子而誰異代同您共行三紀遂使朝多思諱俗尚 如尚書典語日下旣不行之行之亦何由得通且久乎易 迷君以嗜好引同誅異封其邪志致逆羯故釁燎原不滅 龜王毀於檀中矣乃元宗中與崇敏璟直敏未達直不深 李勍 三

造鴻紫與天地惟新馳之於無窮昔舜禹以匹夫宅四海 過 金号白唇了一大十二十二 舉賢才則陛下雖欲讓太平之熟美臣知必不得明矣 望原開聖德以撥亂意自兼劇素減政志於炎昊間 德制恒兖則恩威兼暢矣恩威兼暢而又加之以捨 嗣帝功未有如陛下今日之盛也宜乗今戮淮寇之勢 烈如彼今聖代以五朝營太平其難如此臣又竊聞 黙而成之不言而信存乎德行天祚聖唐以變通之 化而裁之存平變推而行之存乎通神而明之存乎其 下順而革之則悠久大歷必自此而更始矣臣觀前 王 数

皇極致雍熙如指諸掌乎臣疑宰相公卿藴其略但故沃 憤歎今陛下蹈道據德安仁存義則三皇五帝三王五霸 陛下使工伎必能是不欲其兩傷也如此推而進之則建 次年全事之 长七年十二 文之美兼矣尊儒學兢兢若不及幽枉必達無俸私無於 之美兼矣與人同利從諫如流尚約素斥珍奇則漢高孝 之次第未及使陛下翹思文武凝望殷湯主憂臣辱孰不 總萃前美混論消息融而為至德發而為元化以王道為 晉武之美兼矣約以高祖太宗之善訓貫以陛下之明聖 色則光武孝明之美兼矣任託不感容受直言則蜀先主 李渤

正六官敘九疇舉王制做月令調兵食崇孝佛敦九族關 年ラグストンラニーニ 伏望下宰相公卿大夫議之如瞽言可採伏乞搜嚴封 提甘露液體泉禽畜四靈不爲難矣臣愚寡聞不識遠 間陛下襲義軒於上公卿倚稷契於中黎元惟鼓腹於下 信以化之播風雅以暢之坐明堂登靈臺休息乎祥氣之 諫路顯儒學退文華點選舉復俊造定四人省道釋明刑 以行令理兵以禦戎然後經之以禮樂雜之以道德推誠 尺以大中為刀度時之宜裁酌古今引知荡冤驅末還 引海內巨儒者德元識明斷之士大開學館與朝賢參

欽定全唐文《卷七百十二 計字輔必已詳奏亦不敢更言臣今幸生聖代又曾認處 諫垣逢中與將故之期知太平必成之術實懼不言爲罪 足塵於聖慮矣今臣謹竭管見獻五事如後是非疏密懸 講令其稽古應時據經更俗仍使切磋問治復出精義重 露丹懇以聞臣渤誠惶誠恐 狄裔夷若槁葉迎霜輕冰涉暑瞥然已去閒然已亡固不 在天鑒蕞爾昏塞何能自分若乃沿革次第時政所切伏 作制度使合乎宣父繼周之旨夫正氣振彼承家鼠寇或 在替微臣不勝威思中慎之過謹勒祇承人某奉表被 李渤 と

縣 臺京兆府冀絕兇人喧競 者請各牒諸司諸司若處理不當復來投風者即請具事 應 吾酉身待進止今緣匭院無械緊之具忽慮光暴之徒難 等又實應元年六月勅如有告密人登時進狀分付金 進狀人論事大者請分析聞奏次者請申中書門 開奏如投壓人有欺枉責問得情狀請本罪之外更加 理制請勒安福門司領付金吾仗雷身然後牒送御 處理投匭人奏 論隻日視事奏

危理亂決在此時況陛下思天下和平敬大臣禮切固未 候隻日是畢歲臣下親天顏獻可否者能幾何 宰臣蕭俛段文昌崔植等當陛下君臨之初首任宰相 欽定全唐文 卷七百十二 時而侥等上不能推至公申炯戒陳先王道德以沃君 有昵比左右侈滿自賢之心而宰相之權宰相之事陛下 事君之義有犯無隱陳誠啓沃不必擇辰今羣臣敷奏 又不能正色匪躬振舉舊法復百司之本則教化不立矣 以付之實宣化理干載一遇之時也此時若失恐更無 考校京官奏 李泐

義舉守官奉公者使天下在官之徒有所勸又不能點 從須奉身疾退不宜尸素於化源進退戾也何所避辭其 是陛下股肱心腹宜皆知之悦等不能先事未形忘軀懇 法不立矣邪正莫辨混然無章教化不行賞罰不設天下 之事復何望哉一昨陛下畋遊幸驟山宰相與翰林學 臣聞政之廢與在於賞罰悦等作相已來未聞與一人德 日所謂大臣者以道事君不可則止若俛等言不行計不 職事不理持禄養交者使尸祿之徒有所懼如是則刑 而使陛下有忽諫之名流於史冊是陷君於過也孔子

憂急奏無所詣國璽委婦人中倖之手絳等能率御史繼 遠自此恣情無度又思馬有街栗不測之變風寒生疾之 李絲張惟素李益三人請賜上下考外特與遷官以彰陛 中下御史大夫李絳左散騎常侍張惟素右散騎常侍李 蕭倪段文昌崔植三人並翰林學士杜元顏等並請賜考 飲定全唐文/──卷七百十二 以兩省官大諫於朝有懇激事君之禮可以誠無言者其 與于暈上下考于暈以犯贓處死准令須降請賜考中中 益等諫幸驟山鄭覃等諫畋遊是皆恐陛下行幸道途漸 下優忠賞諫之美其崔元畧冠供奉官之首合考上下緣 李渤 九

疏聞奏 愚臣守官請書宰相翰林學士中下考上愛聖運下振頹 考中上以其請追封所生母而舍嫡母是明問於君幽欺 著今宜以功補過請賜考中中少府監裴通職事修舉合 大理鄉許季同任使于量韋道沖韋正牧皆以犯贓或左 降或處死合考中下然頃陷劉開之亂棄家歸朝忠節 伏綠限在今月內進輒先具如前其四品已下官續具條 網故臣懼不言之為罪不懼言之為罪也今其三品官考 其先請賜考中下伏以昔者宰夫入寢擅飲師曠李調今

次年全事之一长七五十二 李勒 逃户所欠錢四千四百二十貫臣當州管田二千一百九 諫恐危及社稷也 諸外則憂思積諸內憂倦既積災數必生小則為旱為孽 伏奉詔勒云度支使所奏令臣設計徵填當州貞元二年 今日入閣陛下不時見羣臣奉臣皆布路跛倚夫跛倚形 十七頃今已早死一千九百頃有餘若更勒徇度支使所 大則為兵為亂禮三諫不聽則逃之陛下新卽位臣至三 諫晏朝 奏請停徵久遠逋懸疏

道此語則慢易之心萌矣 縣令不合曳中人中人不合歐御囚其罪 爲必懼史官書陛下於大旱中徵三十六年前逋懸臣 多うとスコーラントーニ 刺史罪無所逃臣旣上不副聖情下不忍鞭笞黎庶不 馴致使然若不早正刑書臣恐四夷之人及藩鎮奏事傳 犯在恩前中人所犯在恩後中人横暴一至於此是朝 輕持符印特乞放臣歸田 論中人擊崔發疏 請免渭南攤征逃戶賦稅疏 也然縣令所

不由此而云太平者是佞邪之臣也伏乞陛下察而逐之 剝下以奉上惟思竭澤不慮無魚伏乞詔書絕其難逃以 亡即攤賦稅使九家共出稅額長定有逃即攤似投石井 州縣大畧相似其弊所自起于攤逃約十家內有一家逃 錢四十餘户関鄉縣本有三千户今錢有一千餘户其他 中不到底不止攤逃之弊户不盡不休此皆聚斂之臣競 次定全害文一人卷七百十二 李湖 見在户家産錢數為定其餘有欠且特思免之計不數年 臣自出使力求利病竊知渭南縣長源鄉本有四百户今 人必歸於農矣夫農者國之本本立然後可以議太平若 F

金グと月二十二十二 畏愛可以備方隅之任總兼察之權使其處臣之官代臣 臣伏詳勒文本救荒歉忽有危切貴及其時當州去京往 來萬里奏迴方給豈及饑人臣請所管忽遇災荒量事販 不任誠懇之至 人自代者前件官曾任容管經晷使行朝廷威恩得蠻夷 右臣伏準建中元年正月五日制觀察使臣後三日舉 一職必能獲悍柔服谿洞又安伏乞聖慈允臣所薦臣某 桂州舉前容管經略使嚴公素自代狀 奏桂管常平義倉狀

貸記續分析聞奏庶使遠人速活聖澤退流臣之所管僻 在積外迫以山賊人尤難理若令數改必因蟊食常平義 鼓浪水石相搏響若洪鐘因受其稱有幽棲者尋倫東湖 明伏乞聖恩允臣所奏庶使皇靈遠被獲俗知恩 次定全事文 卷七百十二 水經云彭鑫之口有石鐘山馬剛元以為下臨深潭微 枕潭際影論波中詢諸水濱乃曰石鐘也有銅鐵之異馬 沿瀾窮此遂齊崖穿洞訪其遺蹤次於南隅忽遇雙石欹 倉本救災害向為歉珍擢臣處之方鎮臣宜竭力上答皇 辨石鐘山記 李渤 E

潭滋其山山涵其英聯氣凝質發為至靈不然則安能產 客有遊曲江者始入境則望韶石之山旣至郡則瞻張公 会うとスコーラニーニ 扣而聆之南聲函胡北聲清越抱止響騰餘韻徐歇若非 之祠以謂吾韶之美盡於此而已未知直韶之西北四十 兹奇石乎乃知山仍石名舊矣如善長之論則瀕流庶拳 里有桂山之峻有侯公之偉子請言其暑山之肇迹自荆 皆可以斯名冠之聊判前謬畱遺將來貞元戊寅歲七月 八日白鹿先生記 司空侯安都廟記

管名平侯景擒王僧辩破徐嗣徽刺齊將降蕭孜所向必 欽定全唐文《卷七百十二 克其智勇之大畧如此始封富川縣子次授南徐州刺史 壑神仙之宅山下之廟則司空侯公故家也公名安都字 山南走千餘里至於衡山陡起為炎帝國又自衡山南走 邑里豪雄陳武帝時强梗數起惟與公定計稱為侯郎未 師成本末具南史工隸書能鼓琴長於五言詩善騎射為 又進爵為侯進號平南將軍改封曲江縣公又加開府儀 干餘里至於桂山鬱然為祝融神區山之盤薄方廣幾八 百餘里峻極崇高幾五千仞青拳碧嶂雲霞所棲丹崖紫 李渤

盧顧未有以部之桂山而不列祀五嶽者蓋其遠在南裔 曲江所謂將相之鄉也惜乎功大主疑盛名之下難乎其 終而子壽最為稱顯也余當東遊泰山西登華嶽南觀衡 自古帝王耳目之所不接故也今里中習俗流風慷慨猶 戴臨川王是為文帝何其壯哉公起布衣提義眾栗風雲 侯師成以功烈為陳將軍張子壽以德業為唐宰相韶之 之會依日月之光位極人臣書勳竹帛所謂豪傑之士也 將軍其功烈之盛如此始武帝崩朝議未知所立公獨翼 同三司又遷司空又進爵為清遠郡公又加侍中征北大 欽定全唐文 卷七百十二 以遺其鄉人使歲時祈恩報德以長言而歌之歌曰天作 名晉升字德昭託予記之予既作記又作迎神送神之詩 拂金波飛瀑萬丈兮倒傾銀河宅靈氣兮鬱嵯峩降生司 高山兮去天幾何翠岫蝬蝬兮與天相摩紫桂干尋兮上 存時或早原四遠來祈未旋斬應公之族有登進士第者 已張羅當年富貴分恍若南柯哀江南今淚滂沱吊故 會客分舉趾逐遊學牋點翰分掉頭吟哦昔時門老分今 居多爵位崇極兮人誰我過威名震主兮其子敢歌齊中 空兮此山之阿入拔臺城兮親提義戈百射百中兮戰功 李渤 古品

今道門以經鎮授受所自來遠矣其昭彰尤著使縉紳先 薦蹇我作此詩兮匪商之那俾爾遺俗兮慷慨而歌 奠桂酒兮伐鳴鑼折瑶草兮席輕莎靈紛起兮舞傞傞首 瀟瀟兮濕釣裝此方之氣兮神人以和此方之物兮天無 去兮朱顔酡杳冥冥兮駕蛟鼉西風瑟瑟兮吟黍禾暮雨 紅肥兮足繡華神之來兮楊玉珂芳菲菲兮雜芰荷神之 生不或者自晉與寧乙丑歲眾真降授於楊君楊君授許 兮影婆娑空餘古祠兮白雲東坡緬想陳述兮清風荔雜 塡系

欽定全唐文人卷七百十二 陶君搜摭許令之遺經暑盡矣陶授王君王君又從宗道 崇虚館真經盡歸於館校黃素方因緣值經准法奉修亦 並越漢登真許令亦然獲度世馬及幸會而不業自陸君 授司馬君司馬君授李君李君至於楊君十三世矣楊許 先生得諸勝訣云經法秘典大備於王矣王授潘君潘君 同師授其陸君之教楊許之胄也陸授孫君孫君授陶君 君許君授子元文元文付經於馬朗景和乙已歲勃取經 已降則帝者無不趨其風矣此皆史有明文或遺迹可訪 入華林園明帝登極及季真啓還私解簡寂陸君南下立 李渤 支

少室山天標中氣吐賴浸洛潛圖神洞別輝日月為靈 真系傳其同源分派者錄名仙籍不緝於此時貞元乙酉 道也道無否泰教有通塞塞而通之者存乎其人故子 其後法主珈那人諱遠知陳揚子牧曇選一作子母一 正府府有伯太清正中莅之故劉北臺光其前王法主 歲七月二十一日於盧山白鹿洞棲真堂中述 之士也超理入神混合於氣無為而無不為者我真宗之 又世世從事於斯者其支裔馬且知理而不知神非長生 少室仙伯王君碑銘

未鄙人至自盧嶽棲託隱溪牽雜踐危深入丹窟漱挹獨 潘師正曰吾被署少室仙伯沐浴加冠衣而化享龄一百 業遂能精融道數弛張化機降真易髭延實氏殂魄疑其 道結元氣神機真精玉膏金芝凝質自靈跡散霞岫思激 統天與真宰為徒矣涉陳越隋監我唐皆宗之語門弟子 霜殿浮邱往矣光塵寂寥 水感仙儲洛游禮空投誠銘解於石銘曰 鳳化胎年七歲日識萬言宅華陽師陶宏景臧矜鏃羽元 二十六高宗追贈太中大夫諡昇真先生闢道也貞元癸 and designed and the second 李勃

一多玩全唐文 卷七百十二 議異乃止年二十餘服道後就與世館孫先生諮稟經法 讀 精行道要殆通幽洞微轉奉朝請乃拜表解職答詔優 時所重師法及清溪宮成獻頌宣旨聚貲氣欲刻石王儉 吳荆牧陶濬七代孫名宏景字通明丹陽秣陵人也初娘 男 母夢日精在懷并二天人降手執香爐覺語左右日當孕 宋昇明四友仕齊悉數王侍讀皆總記室牋疏精麗為 人非凡人亦恐無後及生標異幼而聰識成而博達 神仙傳便有乘雲歇龍之志年十七與江敦褚炫劉侯 梁茅山貞白先生傳

欽定全唐文人卷七百十二 爲煩劇乃造三層樓先生居其上弟子居中接賓於其下 令 隱居書疏亦如此代名特愛松風庭院皆植每開其響便 霞人可謂感而遂通者也身長七尺八寸為性圓通謙謹 欣然而樂至明帝欲迎往蔣山懇辭得止然勒命的資恒 有斯事遂入茅山又得楊許真書遂登嚴造靜自稱華陽 賜與甚厚公則祖之征虜亭供帳甚盛咸云自齊以來未 形於言迹者是顯事廣物深慕張良之為人率任輕虛飘 Ú, 如明鏡遇物斯應少憂戚無裝競滅喜怒澹哀樂或有 一小豎傳度而已潛光隱曜內修秘密深誠所詣遠屬 李渤 土

先生畫兩牛一牛散放於水草之間 永元二年深託向晦及梁武帝革命議國號未定先生乃 轉之與天相會其纂真誥隱訣注老子等書二百餘卷至 引諸識記梁是應運之符又擇郊禪日靈驗昭者勅使 長於銓正偽謬地理思算文不空發成即為體造渾天儀 飄然恒有雲霞氣其所修為皆自得於心非傍識能及尤 山宣旨酬謝帝既早與之遊自此之後動靜必報先生旣 絕以杖驅之帝笑曰此人無所求欲效曳尾龜豈有可 秘訣以為神丹可成恒苦無藥帝皆給之又手動咨迓 一牛著金龍頭有人

欽定全唐文 人卷七百十二 亦 大通獻刀二一名善勝二名成勝為佳寶梁帝金樓子云 變屈伸如常屋中香氣積日不散詔贈中散大夫諡曰貞 侯景之難並如所言大同二年告化時年八十五顏色不 不信朝陽殿化作單于宮其時人事競談元理不習武事 於隱士重陶貞白士大夫重周宏正其於義理精博無窮 致之理時有大事無不前已奏陳時人謂為山中宰相以 沖稱上足馬 白先生仍遣舍人監護喪事弟子數十人唯王遠知陸逸 時名士也先生常作詩云夷甫任散誕平叔坐談空 李渤

填 美姿容善言笑攻書好學該涉經史性淵懿沈厚幼而通 府舍人以永和初受中黃制虎豹法六年又就劉璞傳靈 靈與二許早結神明之交其静思元薦於相王用為公 熙幽飲相襲無联矣年三十六以與寧乙丑歲眾真降授 符獎即魏夫君淵沈應感虚抱自得若燥濕之引水火冥 八清靈裝真人桐柏王真人紫陽周真人中茅君一 人姓楊名義晉咸和五年九月生於句容似吳人潔白 一相青童君太虚眞人亦君上宰西城王君太元茅 晉茅山眞人楊君傳

君范中候荀中候紫元夫人南嶽夫人右英夫人紫微夫 人九華安如昭靈夫人中候夫人莫不霓旌暗曳神轡潛 竦紛紛屬乎煙霄淪蹤收於俗蹊讌聲金響於君月無曠 明君受質虛閒祕構玉朗蘭湖高流清響金官必高佐四 欽定全唐文 卷七百十二 許覷先師告闕父穆亦因君偶真故許氏九人雖道慶自 輔承制聖君主察陰陽之和氣為吳越鬼神之君後二十 日歲不虛矣君師魏夫人儷九華而朋于諸真故安妃云 解作告終之術也真語算以太元十二年丙戌去世弟子 二年將乗龍駕雲白日昇天今若不耐風火之煙可尋劍 李渤

長史器異之郡舉上計樣主簿並不赴清秀瑩潔糠批俗 穿井井愈深土愈難出若不堅心正行豈得見泉源耶真 真人許 闕字道翔小名玉斧父穆晉護軍長史真位上 人常願早遊洞室不欲久停人間遂詣北洞告終即居 務如泉去家盈其科而自進居雷平山下師楊君傳三 左卿母陶氏名科斗入易遷宮真人幼獨標挺含真淵嶷 先數至神發如塵鑒凝照輝瑩之功並歸于君矣 正法曲素鳳文後定錄真人授其上道告之日學道當如 雷平山真人許君傳

清仙公上相帝晨二錄太和二年丁卯時年二十七歲人 康七年辛丑生自太和三年已後無復顯跡世譜年三上 隅山洞方源館中常去來四年方平臺故真語云幽人在 次定全喜文 卷七百十二 則庚午年去世者舊傳云在此洞石壇上燒香禮拜因而 世時心樂居馬又楊君與長史書亦云不審方隅幽人設 法蓋夜於壇上去耳娶建康令黃演女生男黃民乃選家 不起明旦視形如生壇今猶存真許云從張鎮南授衣解 於易遷户中朱真人化後十六年當度東華受書為 仙人臨沮令許君傳 李渤 Ē

黃民子祭弟孫女瓊輝並得度世馬朗敬經若君父每六 察孝廉石頭倉丞南蠻多軍臨沮令永與三年京畿紛亂 臨沮令許仙人名黄民字元文上清仙公覷之子上清在 咸知許先生得道又父祖皆有名稱各加崇敬元嘉六年 令乃奉經入別為馬朗所翹朗從父弟牢亦相周給時人 卿穆之孫以昇平五年辛酉生時掾年二十一仕郡主簿 欲移居錢塘乃封其眞經一廚付朗靖中語此是仙靈之 終時年六十九真語言黃民及伯祖邁姑婆娥皇伯聯與 跡非我自來縱有書亦勿與人及至杜道鞫家停少時而 シスラスンとうショーニ

朗諷父季真烙取季真善道術為當時所知及至奉呈於 家皆保富壽朝念何道敬竊書泄意乃洋銅灌廚裔勒家 頁籍暴之祭而無容入其妙馬 華林園旣見真跡壞異朱黃煥赫不敢窮覽至明帝登作 神光靈氣見於堂宇朗妻數見有青衣玉女空中去來其 神真巧運旣閱於馬又發於及終授於陸君受馬猶中 季真乃啓還私屛陸簡寂南下立崇虚館經亦歸于館何 人不得復開朗終子洪及季真猶共尊尚景和元年要惠 宋廬山簡寂陸先生傳

緯靡不總該以為先天撫化混一精氣與真宰為徒者載 色怡怡其德熙熙明以啓著虚以貫幽少宗儒氏墳索識 雪風波之思沐浴浩氣挹漱元精宋明皇帝襲軒皇淳 難作人心駭疑遂沂江南遊皆臣阜之勝緊爰構精廬深 嘉末因市藥京邑文帝珠其風而邀之先生不顧及太初 成扣元感神授靈訣適然自得通交於仙真之間矣宋元 **疑羅浮西至巫峽我增如雪映松風麗乎山而映乎水功** 欽定全唐文 卷七百十二 在金編玉字不形于此遂收跡寰中冥搜潛衡熊湘暨九 先生吳與懿族陸氏之子諱修靜道降元氣生而異俗其 李渤 欽定全唐文 卷七百十二 李勒 其降眄天子乃退齊築館恭肅以遲之不得已而莅馬於 鳴擁路出谷而止及天子不預請事塗炭之齊是夜卵 氏所質經訣並歸于我馬初先離山有熊虎猿鳥之屬悲 紛郁翌日乃瘳先時洞真之部真偽混淆先生刊而正之 人以上皆自盈其分司徒袁粲之流是也旣立崇虚館文 **欲稽古化俗虚誠致禮至于再三先生固稱幽憂之疾質** 順風問道妙沃帝心朝野識真之夫若水奔壑如風應 其誰能樂之先生撥霧開日汰沙引金指方以倒之中 渭乃判故齊戒儀範至于今典式馬桂陽王構逆暴白

簡寂先生以故居為簡寂館宗有道也凡撰記論議百有 時春秋七十二所謂鍊形幽壤騰景太微者矣有詔諡 樂目瞳映朗但聞異香芬馥滿室而已後三日廬山諸徒 詩部旨未從而有斯說至三月二月乃偃卧解帶膚理輝 骨遍野先生具棺機收而盛之其陰德密運則無得而 餘篇並行於代門徒得道者孫遊嶽李果之最著稱首後 異之顧命盛以布戰投所在崖谷門人不忍遂奉還廬山 共見先生霓旌靄然還止舊字斯須不知所在相與舊而 也迨元徵五年春正月謂門人曰吾得還山可整裝眾

堂遂卜終馬之地宋太初中簡寂先生至自廬嶽雲遊 靜如淵其氣如春甄汰九流潛神希微當步赤松磵縉雲 遺風可以導引末俗開曉後途者矣 所歸宜其整緝遺蹤提綱振紀光先師之餘化纂妙道之 有具裔子孫名遊嶽字類達東陽人也幼而恭長而和其 大法將謝法師稟神定之資居入室之品學悟之美門徒 王稟其規人靈宗其法而委世潛化遊影上元微言旣絕 孔德璋與果之書論先生云先生道冠中都化流東國帝 齊與世館主孫先生傳 上り

知真故特蒙賞識經法許該悉相傳授方欲共營轉鍊已 接手跡因站术卻粒服穀仙九六十七年顏彩輕潤精爽 明七年五月內以揮神託化沐浴稱疾怡然而終門徒弟 劉孝標等爭結塵外之好後與謝病歸山朝命未許至 搜奇之士知襲教有宗若鳳萃于桐萬禽爭赴矣孔德璋 | 欽定全唐文 | 《卷七百十二 秀潔監簡寂上賓方旋舊室指掘道機斷點具假與猪章 ·數百人唯陶宏景入室馬自恭事六載義貫千祀唯貴 先生乃樞衣而趨嗣承奧旨授三洞并所祕楊真人許 四君交密齊永明二年部以代師并任主與世館於是

飲定全唐文 卷七百十二 秘訣陳主召入重陽殿特加禮敬賞齊資送還茅山先生 仙宗伯也年七歲日覽萬言博總羣書心冥至道年十 **瑯琊王遠知陳揚州刺史墨首之子外祖丁超梁駕部郎** 集藥石將就治合事故不遂 乃於洞西北嶺上結靖室以居研珠元祕大建末靖室中 入華陽事貞白先生授三洞法又從宗道先生藏矜傳諸 其母因夢靈鳳有娠又聞腹中啼寶誌曰生子當爲神 神人醉即嘔吐先生然香禮候神人日卿是得 唐茅山昇真王先生傳 李渤 三岁

鶴飛去睛晉王廣鎮揚州王子相柳顧言相續奉請先生 思未别二三弟子付屬經書背行三十步迴望神人化為 五百歲鄉能去否先生便隨出上東嶺就法本至山半忽 過得被多散仙人又常降甘露以器盛之服一升可壽得 仍令代王越師馬高祖龍潛時先生嘗密告符命秦王與 至斯須而鬚髮變白王懼而歸之少選復舊王踐作劫 鳳舉諮近帝親執弟子禮物城都起五清元壇以處之 人張法本亦甚有心吾欲並將遊天台山石橋廣闊 一龄微服就調先生迎謂曰此中有聖人秦王因以實

眷言風範無忘寤寐近覽來奏請歸舊山已有别勒不違 法及登極將加重位固請歸山至貞觀九年勅潤州於茅 欠日日ヨと一人民日日十二 遂懸祈於先生先生不得已因與請命使者報曰更延上 山置太平観并度七人降聖書曰朕昔在藩朝早獲問道 告先生日方作太平天子願自愛也秦王詣先生授三洞 如鏡應物無私時有實德元先經揚州遇司命使者言其 高志所令置觀用表獨心先生浩氣虛懷語點 有重禄以九九數當終命德元求哀於使者云真人王法 一是少室仙伯檢錄人鬼之任關奏天曹無不即應德元 李渤 ĬĮ. 致涵

李含光於太平觀造影堂寫真像用旌仙跡馬 將行在近翌日沐浴加冠衣焚香而寐告化時年一百二 金ラら見う 次之其餘各棲洞府終身無替高宗調露二年贈太中大 世呼先生為法主又知已授仙職後謂潘師正曰吾昨見 聖初又贈金紫光祿大夫改諡昇真先生明皇天實中勃 十六歲潘師正徐道邈同得秘訣為入室弟子陳羽王軌 夫諡曰昇元先生乃勅置太平觀度滿四十九人天后嗣 三年至高宗朝德元為左相捐館舍之日言皆如之故舉 格以小時誤損一童子吻不得白日昇天署少室仙伯

飲定全喜文!人卷七百十二 帝與武后共尊敬之畱連信衙而返尋勒於所居造崇唐 身不下堂接手而已及問所須答言松樹清泉山中不乏 伯盡以隱訣及得符鎮相授棲於太室逍遙谷積二十 如隋珠荆玉不假於餘而人自實之隋大業中入道王仙 觀嶺上别起精思院以處之勃置奉天官令於逍遙谷口 但嚼松葉飲水而已高宗皇帝每降戀輩親詣精廬先生 少喪母廬於墓側以至孝聞先生真氣內融輝光外發 **嶽道士前有天師次稱潘先生先生名師正趙州費皇** 中嶽體元潘先生傳 李制 美

樂又以祈仙望仙翹仙爲曲皆謂先生名馬前後賜詩五 帝追望不止贈大中大夫諡曰體元先生先生神標仙骨 特開一門號曰仙遊門復於苑北面置尋真門太常奏仙 微郭崇真皆稟訓瑶庭密受瓊室專玉清之業遺下仙之 愈加踟蹰山隅輟策未往以永淳元年告化時年八十九 吾之過也遂欲東求蓬萊孤舟入海屬帝敦寫斯道祈歎 人並皆殊秀然鸞姿鳳態眇映雲松者有韋法昭司馬子 百首先生每數日大丈夫業道不能減影雲林以煩世主 似隱居夫階真韜冥練景遊化者其有類乎弟子十二 シンフラフュー 11:41

钦定全唐文 卷七百十二 體元先生傳其符錄及群穀導引服餌之術體元特相賞 道日損損之又損之以至於無為且目所見者損之尚未 遊遠詣於天台山武太后開其名召至都降手韶贊美及 **儔矣時陳子昻又作頌云云** 將還勘李崎餞於洛橋之東景雲二年春宗令其兄子承 異謂曰我自簡寂傳授正法至汝六葉矣先生是後因浪 後周鄉那公司馬裔元孫名承禎字子微河內人也少事 就山迎至京入宫中問以陰陽數術先生對日經云為 王屋山貞一司馬先生傳 李勒 工工

帝歎曰廣成之言何以加此因固辭還山乃賜實琴 氣於漠順物自然而無私馬而天下理易曰大人與天地 能已豈復攻乎異端而增其智慮哉帝曰治身無為則清 使迎至京帝親授法發前後賞賜甚厚十年駕入都先生 合其德是知不言而信不為而成無為之旨理國之道 及霞文帔中朝詞人贈詩者百餘首開元九年明皇又遣 高矣治國無為如何對日國循身也老君日遊心於詹合 生因上言今五嶽之神祠皆是山林之神非正真之神 又請歸山帝賦詩於王屋山自選形勝置壇字以居之 張 也

為之馬先生頗善篆隸寫三體道德經刊正文字著五千 從其言因置真君祠其形像制度皆請先生推按道經創 欽定全唐文 卷七百十二 靜填雖稟女質靈識自然因精思間有人導至方丈山遇 先生所居置陽臺觀帝自書額并相續賜資甚厚至二十 又御製碑文先生門徒甚眾唯李含光焦靜真得其道馬 三年告化時八十九制贈銀青光禄大夫諡曰貞一先生 三百八言為眞本又撰修真祕旨窺之者得其門矣勅於 五数皆有洞府各有上清真人降任其職請别立齊祠帝 二仙女謂曰子欲爲真官可謁東華青童道君受三皇法 李勒 烹

請名氏則貞一也乃歸而詣先生亦欣然授之 自遠宜且救人是引後學升堂稟元訓也先生元氣不散 無而行功者於道不窮託幽阜而滅跡者於德亦淺承之 篆隸或有稱過其父者一 慈向蠢類暗室之中如對君親時人見之情色皆斂幼攻 帝諱改為李氏其子曰含光年十三群家奉道端視清霄 宏孝威者晉陵人家本純儒州里號貞隱先生避敬宗皇 生雲篆寶書傾囊相付旣而目之曰真玉清之客也抱虚 茅山元靜李先生傳 一聞此義終身不書後事員一 光

虚融物心心一變至於學學一變至於道同淑氣自來得 萬之會若得一之初應助可名常道不可名也孕育至化 次定全喜文《长七百十二 眾象士庶諮詢色受其意常令章壇閉院熊火襗薪精 潦之會通川也先生忘情於身而慈於人禎祥 優應 視同 之不見所以摳衣而進者仰範元和若秋芳之依層獻夏 德公也輕舉公中私也時見其私聖人存教若求生徇欲 德君王師也肯漢文行其言仁壽天下次問金鼎對日道 誠敬率皆類此開元末明皇禮請先生而問理化對日道 圃虚映達靈久矣晦輝為常動非用開靜非點閉當吹 李渤 克

窮贖精義矣以大歷四年冬十一月顧謂入室弟子韋曼 學傳及論三元異同又者具經并本草音義皆備載闕遺 操持慈儉之實歸義皇之風至矣哉先生之教也所撰 句曲山勃於其所居造紫陽觀以居馬自後天書繼至資 昭孟湛然曰吾將順化神氣怡然若坐亡長往時年八十 奉相續及公卿祈請往來無虚月卒使元門之中轉見真 乃似繁風耳帝加元靜之號以尊之無何固以疾辭東還 靈雲降室芝草叢生執簡如常和色不去據真經斯乃 化自然仙階深妙者也景昭授皋洞虚洞虚授李方來 ベスンシシニ

帝遗之先生得之縱心而往與一相隨真性所容太元同 規日行仙路不語到時人言萬齡我見常姿明皇仰止徵 皆嗣德不墜時柳識又領先生云古有强名元精希夷黃 欽定全唐文 发七百十二 就京師紫極徒貴白雲不知遐方後學來往怡怡空有多 真精自持順化而去人馬能窺元科祕設本有冥期 李渤 旱

唇故江南西道觀察判官監察御史裏行太原下	許志雍	天王道悟禪師碑	邱元素	文公祠記	潘滔	修大海佛寺石像奏	李聽	欽定全唐文卷七百十三目錄
---------------------	-----	---------	-----	------	----	----------	----	--------------

大常觀四夷樂賦	劉公與	嬪吳氏墓錧	胡季良	書胡倌板記	廖有方	瀛州使府公宴記	尹悅	公墓誌銘	欽定全唐文卷七百十三
							j		

20.5	Barrella de Asiatos	na zastane	TARLET BLOOKING	ernetist. Af Tent 120	THE SECTION	and the second s		and the second	alubations contract
钦定全唇文 卷七百十三 目錄	李銑	良玉不琢賦	崔咸	親風驛新井記	崔黄中	百丈山法正禪師碑銘 -	柳公權	蘇州新開常熟塘碑銘	劉允文

贈司徒 夫夏級銀宥節度使從靈鹽進檢校工部尚書穆宗立為 聽字正思太尉中書令晟子以蔭為協律郎累兼御史 邠寧節度使授太子少保充鳳翔節度使徙陳許以太 河東節度使以功封涼國公兼帥魏博罷爲太子少師 大臣自事之即是出了一二 太保分司東都開成初為河中晉絳節度使卒年六十 欽定全唐文卷七百十三 李聽 修大海佛寺石像奏 李聰

金歩んたろうとろって十三 按 縣令李元慶新加嚴飾刺史張仲方立石爲文不敢不 疾慈祈福於滎陽縣大海佛寺其答如響因建一石像像 滔 大業初高祖神堯皇帝任鄭州刺史日爲太宗文皇帝 元和時人 刊紀其事凡十六字歲月既遠盡翳於土壤中今滎陽 邵陽圖經公姓文諱斤晉咸康中爲高平今隱於此 潘 羽化故名文仙山又據湘川記云山上有石狀長 滔 文公祠 詑

德之所致鬼神為之福 政 **有應泊唇貞元十年上天您赐旱魃為虐草木黃落如惔** 化 冶 如 雨 所布 焚於時 之背 灌壇風 施年穀既登倉原充實夫神靈無方感而遂通昔太 有四尺叢竹蒙密随風飄揚委於米側每遇亢陽祈 曰 如神 刻 飄風熱獸不敢侵界焉以此觀之實由政之所 雨不敢犯劉昆牧宏農猛虎馬之去豈非以 降臨膏而霧霈即為刻石記事當時響應雲行 州伯太原王公高縣宰昌黎韓公謹輝至誠懇 而 妖 由 JH 作災由此起吉凶報應如影隨形信 祐神功爲之降澤若乃德之不 野台 修 德

欽定全唐文、卷七百十三 鍤 薦臻旱又甚矣州牧濟陽丁公立邑君馮翊莊公齊命官 矣夫噫人物遷變未達誠願至元和三年歲在戊子災患 傳芳休旣無絕妙之詞難傳至貞之迹銘曰 啓 飛丹涸濟冰雪溶道成羽化神仙宮幾乘白鶴歸舊日 雲 上憑 쏨 問境者老稽願告余皆願修文以神聖德刻之貞石永 而施稼穑如梁兮又如於無階達天真兮咸願立乎豐 而歌日我聖君兮德巍巍擇良牧兮治邊陲感神功 酬 神休之恩下賴牧军之政野老荷養與笠相對 願立碑遂雨灑四溟潤澤九穀山川鬼神亦莫不 淮州

節度使 禱清廟中神功應化無不通天早獎兮雲從龍灑膏而兮 宴兮花木隆石狀空山留仙蹤微飆騷屑搖條叢邑人祈郭是兮人不同霓裳縹緲隨天風紫煙散盡祠堂空山寂 石與天地兮無窮 九穀豐黎庶歌兮樂時強願立碑兮表聖功勒文字於堅 元素元和中拜户部侍郎同中書門下平章事出為荆 1. 1 1. 1. 1. 1 邱元素 天王道悟禪師碑 郑元素

翥 極 欽 額 自 道悟者宮人姓崔氏子玉之後允也年十五依長沙寺墨 示曾未投機次謁忠國師三十四與國師侍者應眞南 歸乃見徧衙火發內外洪燄莫可近之唯聞空中聲 問左右申其端緒節使親臨訪道見其路隘車馬 處師蒙旨已便反荆州去郭不遠結草爲廬後因節 目荒榛曾未修削親兹發怒令人擒師拋於水中 如萬德圓滿師於言下大悟祖囑曰汝若住持莫 師出家二十三詣嵩山受戒三十三參石頭頻沐 唐文、卷七百十三 祖曰識取自心本來是佛不屬漸次不假修持

在衙供養於府西造寺額號天王師常云快活快活及臨如初遂往江邊見師在水都不溼衣節使重申懺悔迎請 終時叫苦苦又云閻羅王來取我也院主問曰和尚當時 我是天王神我是天王神節使回心設拜煙燄都息宛然 信 戊子十月十三日也壽八十二夏六十三嗣法一人**日**崇 被節度使抛向水中神色不動如今何得恁麼地師舉枕 子云汝道當時是如今是院主無對便入滅當元和三年 許志雍 即龍潭也

烈忠烈生皇朝比部即中資州刺史師處公之高祖也資 軒葢蟬聯奕葉關茂忠貞孝友史不絕書素風懿範繼 欽定全唐文《卷七百十三 公諱叔雅字元宏太原祁人也其先食采於祁因邑命氏 远雍京兆/ 軍開府儀同三司光禄卿隋拜司空兼中書令諡曰忠 烈誠有國之柱石為令族之領袖三代祖祐周縣騎大 一朝請大夫澤王府司馬清源縣開國男守節公之曾 唇故江南西道觀察判官監察御史裏行太原 公墓誌銘 許志雍 时元素 四

欽定全唐文 卷七百十三 令望清源之宏茂懷州之懿德中丞之雄邁世濟其美慶 忘有類王充之敏五行俱下不慚應奉之村爲善孜孜 疵於物繇是鄉里挹其仁朋友伏其義時秘書郎嚴維 鍾後昆公即中丞第四子也弱不好弄幼而能文一見不 州 心翼翼恭敬以奉上篤愛以臨下接士必盡其才修已不 府大都督諱承俊公之先考也以中書之動烈比部 也清源生渝 生金紫光禄大夫試秘書監兼御史中丞衢州刺史 州刺史贈懷州刺史關一公之王父也懷 許志雍 五

優賢也未幾為嶺南連即幸公丹舉列上介表遷左金吾 繇是聲華藉甚於公卿問郡舉進士總及京師動目屈指 弱齡李膺望崇歎孔融於稚齒嘉其至性敦重機關 浹辰之間名振寰宇俄為山南東道嗣曹王皋辟為從事 每器而厚之時攜幼弟適野為賦詩以贈云萬里天連水 傾葢結轍為禮部侍郎劉太真淡見知遇再舉而登甲科 孤舟弟與兄時屬而和者連郡繼邑染前飛翰暴月不息 一大夫人憂服關調補右衛率府兵曹參軍環衛望高以 兵曹參軍蓮府才雄軍門瞻重每下徐孺之榻獨立

御史襄行以南原 收假行刺史事盡 飲定全事文 卷七百十三 族人得歸厚吏不敢欺歲月之間 此即為全人況其關 稷以公之德可以反澆滿以公之仁可以厚風俗 郡之理仁風所被清議攸彰無何寢疾經時沈痼以 五鳴呼哀哉以公之孝可以動神明以公之忠可以 四年正月七日告終於洪州南昌縣之官舍春秋五 監察御史府公再遷慈晉俄領江西復隨鎮拜監 許志雍 閼 公獨行奏遷 增 間里之情祛 闕 復 臨

部清門家稱今室以關謙駐中外以端 關奉關公以佐 之重加於人一等如賓之敬禮若常林居家有恆情如 不幸敏時不幸敏夫人河東鮮氏故禮部侍郎闕 帥御史大夫幸公丹以公賓四府始終如一感歎追 由是時論多之有一男一女男日高陽女日吳婆皆 均支屬轉貨百金加以將校護喪聞者壯其高義以其 親愛故不勝其貧轜車既還亦無以葬於時闕 幼哭無常聲公雖臨郡佐幕以親潔自約禄俸所入皆 一月十三日歸室京兆府咸陽縣之延陵鄉附先弊 南西道

歲月云邁言歸錦京綿歷舊遊想像襟情倏已終古閉 良友器逾瑚璉人推領袖何備其能不豐其壽嗚呼哀哉 汪汪王公德門之秀儒宗賢士茂族華胄忠為信臣義 住城着莽日落蕭颯風驚寒原故里丹旅新聲嗚呼哀哉 也志雅親同懿屬義比斷金見記斯文銜哀永歎銘曰 悅元和時人 **越德無窮傳令與昔閥於元壤野兹貞石陵谷是遷令問** 欠日白目し 美七年十三 不易泣下連洏氣填胸臆嗚呼哀哉 尹悅 尹悅 許志雍

序帶雁而知凉地夠鸞而覺勝戟枝森衛氣靜於罷熊母 影長懸令清於霜雪樂進而舞迴燕趙酒行而光溢獨瑤 講信修睦諸侯以之於是行者具書幣受辭令居者接行 僚吏書佐成左右相無不穆如翼如東武公乃以禮成之 好於使者嘉儀是隆悅登庭再拜畢主偷偷賓肅肅府 金ケどたご 伯常山公命致問於瀛州使府使府東武公惠我方伯之 授客館交聘達情燕享載設禮也元和六年秋悅奉方 日啓大幕潔崇堂以觴客焉於時金颳已扇王露方途 瀌 州使府公宴記

强 子元和乙未歲落第西征適此公署忽聞呻吟之聲潜聽 欽定全唐文 卷七百十三 而 有方交州人元和十一年進士改名游卿官校書郎 而述焉以備故事且記盛也 及平三爵告終防夏爰奏東武公從容揖賓賓復再拜以 則有庾果蓮花王恭楊柳意在縫総曬歌復申使悅從 微假也乃於暗室之內見一貧病兒郎問其疾苦行 而對日辛勤數舉未遇知音眄睞叩頭久而復語惟 書胡倌板記 廖有方

所乘鞍馬於村豪備棺極之恨不知其姓字茍為金門 季良元和時人工行草書 殘骸相託餘不能言擬求救療是人俄忽而逝余遂賤 於嚴母全之也吉人為善惟日不足以大和九年關 吳氏 關儒奉道為鄉間之令望以夫人 關為長為孝婦 關 人臨歧悽斷 胡季良 標於史州關雎者於詩首即 嬪吳氏墓銘 關 一貫也安君令嬪渤 T.

開 之西安君感其關遵蒸祀買石誌德紀之剛子曰師敏承 仁王山今寺西園孤墳寂寂兮開 生義陨石誌言 終於烏程縣臨若鄉之私第年五十有三比城年則非 欽定全唐文 卷七百十三 公與元和時官祠部員外郎 保終於禮也石闕文以關 劉公與 関痛青春即以其年五月二十八日 關雲水鄉仁王寺 太常觀四夷樂賦以釋被遠夷入 詢 胡季良 劉公與 日 **网婦德今點點孤魂平** 九

蠻夷所以司於太常奏於丹墀俾華夷之風不隔羈麼 樂奏我夷蠻貊豈不以浹洽元化沐浴聖澤于是鞮鞻 聖皇窮天覆以張宇極地載以光宅端拱協有虞陶唐獻 聖君文明立極化本雍熙太和克同於天地貢樂不假 旋鳥翅其舞也無進旅退旅之容其音也非敗如繹如之 其方位太常總其樂器列在天庭陳其鼓吹傑休兜離 其隨樂官入禁苑荷恩單化及之德無踰山涉海之遠 在兹夫其始也伊四部之爰來闢九門而並入水火之 報 躬能扶妻效智既夷樂之具陳彰帝德之光被觀 於 風

聲問奏既移於白日窮規以悅於皇情於是詔祭藏以 顄 賜命象胥以迎眾九夷八蠻喜氣溢於咸鎬六戎五狄歡 欽定全唐文 卷七百十三 華夷之混 四夷之咸賓於以表五兵之載戢雖梅考之有聲靡煙笼 劉允文 雕題衣毛以相向金木之方皮服左衽以對立於以 爾其非今非古乍濁乍清不雜中華之樂自作異方 可附樂章既異無勞季札之觀由度自殊奚假周郎之 動於岐雍豈獨納魯廟而見稱獻漢廷而足重微 敢承舞而獻頌 劉允文 頒

萬箱豈伊沿沂之功實由灌溉之利故縣取常熟歲無眚 北 吳之藪曰具區郡之大惟蘇州商為貨居農實那本錫貢 允文元和時官左威衛錄事參軍 分近委退輸左右惟强家大族疇接壤制動沙千頃年 多品厥曰上中土宜在民地利乎水常熟塘按圖經云 之路自城而遙百有餘里旁引湖水下通江 泊貞元以來時屬大旱餘是填淤薦為塗泥而淪胥怨 物漏矣郡守隴西李素居中字人原始親弊則曰 蘇 州新開常熟塘碑銘 潮支遠 脈 登 南

穿導之遂聞於本道廉使吏部尚書韓公公秉文惟謹施 為長流實自新制舟機鮮集農商景從春秋有施水早斯 增遠近之防人不告勞事為永逸先期而望表繩直不日 縣主簿李仲芳稟其成規請事疏鑿於是參并邑之役則 德惠人發令為適觀風悅隨人無間言我得從改攝令吳 次定至百人人长七百十三 功量日候隟庀徒為利涉之宜蔽反壤之害詢蓄洩之勢 經費其力而長洲當三之一焉縣宰李暵復善供命乃計 備嗟呼塘之埋鬱也久矣何壅之無處而啓之有時非體 而終朝子來塘開地中工畢泉出山澤作氣江湖發源積 劉允文

金ダとろう 構患而郡邑連陷公歐白徒以捍在寇挺拔凶黨修復 吳郡餘一年焉政猶風行惠與時至文學備令清慎寡欲 池皇帝間而嘉之俾金章與紫綬給語垂美必將大闡 廣林鹽沃澆之資規同九州殷列七縣其提封底續固良 史之決渠書之滌源以流其惡潤彼稻田況山川襟帶之 度紹休朝廷豈惟與民分憂是塘之爲政也彼人士以出 通貨豐財五行因之順下致理之實不其偉欺去歲朱方 仁宏多應用高朗曷以越前所未暇逮今而行其志哉則 二千石之能惟李敏於直方精在損益爲信安未半歲 ラーニュ

經旬 義實通方智俾經始濟自高岸豈云隨山人歡在路魚樂 施利役無勞止力均二邑功逾百里舟機攸往田疇所視 疏滌誰爲澄流變爲廣瀉降是良牧猗歎隴西揆日爰繁 瞻彼塘矣昔之所關物利乘舟土膏其澤歲有湮塞時 文在公之宇備詳其事請刻於石庶詞之可復銘曰 大己公司と「人三」二 於泉伊此化遠矧夫事宣立石川上 公權字誠懸兵部尚書公綽弟元和初進士累遷司封員 柳公權 洞開湖水南迤江源北來旁分溝海潛畜風雷政 柳公權 維無窮焉

聚千餘 金気在屋了一港七百十三 敷演毗尼洪嚴戒範覃思探贖會理研過振發長途擺捐 素習入百丈深山與眾悅隨谿谷脫遺身世年光六易度 以太子太保致仕卒年八十八贈太子太師 侍郎遷學士承旨武宗朝罷內職授右散騎常侍集賢院 士遷金紫光禄大夫封河東郡公歷工部尚書咸通初 郎歷穆敬文三朝皆侍書禁中文宗開成三年轉工部 崔黃中 百丈山法正禪師碑銘

欽定全馬文 卷七百十三 崔黄中 提便半路已成溫湯居者既往來難通行者固不保其往 餘家終日挈瓶入谷而汲監平暑氣炎煽天地燒燥金石 **餼之事饑乏汲引之道訪於幕中察佐愈曰地形哨峻意** 正楚風疏導濱溜未暇細務三年政閒事簡因議路室委 元和六載我司空鄭公節度荆南下車之日緝寧巴徹統 黃中開成時人 問觀風驛三十里涓滴不流磅确而增長亭短亭三百 荆門至清宮三百里雖水泉味鹹鑿井疏源往往而 觀風驛新井記 三

皆 功未畢纖泉仄出泛濫激渦井上千夫闡噪喧呼揚 騰沙培土二之日国於石飛鎚鼓火轉石磊碱三之日 殊 有檻泉愚叟移山素無巨力志之所至神亦或昭苟利 功多未即對公公日登陸求蓮誠宜不卜然或師鑿井焉 古生靈之命匠意於不慮之表見機於不幸之初如 日就 提缶爭先卷無居人語笑道邊嗟呼夫善政養人之 績於是程功歲事穴其路隅一之日與春插俾應整 不計藏雖支使庾承度宣貞絕俗仗義真副成規終此 月將然孜孜而化曷若鄭公與一言土石之役濟 計

德巴來無出其右易曰改邑不改井以君子清規長存鄭 次已全吾文 长七百十三 波心滋於草木光濟人於聲教之外愛物於象數之中 累遷陝州大都督府長史陝號觀察使入為右散騎常侍 成字重易博州博平人元和二年進士又登博學宏詞 後來多士經此樂上知有仁焉 秘書監太和八年卒 公有焉黃中猥從鄉第得厕賓延親事揚嘉猶未盡焉並 崔咸 君為堯舜之代惠澤必浸於昆蟲贊國為華胥之朝 崔咸 十四

金ダグラ 琢其章不得以曲肆其巧特達之節不得以無飾而疑懿 亞父鄙成環可佩俾獲罪於叔孫含其章積其潤恥 崑諒成器之固念固全真之可敦嗤獻斗員來終見碎於 苦溫潤以 有比不在於文之故以素為貴也任其自然之資則 每清貞以自持其美孔嘉在切磋而可以體乎智而 以密合乎仁而其色斯溫旣有求於剖璞寧不憚於焚 王也稟堅白惟琢也散貞姿璞且 良玉不琢賦 生輝見精神於照室發虹氣彰皓質欲磨不 ナ 假以 刻剪 寫溫 韻 無瑕可重其良者德

欽定全唐文 卷七百十三 崔成 和 **置嫌匪生於掩瑜秉不磷不緇之道陋為蛙為壁之徒則文記其方兮斯有他山之錯施其用兮則無美可同於韞** 豈徒文被褐之懷飾截肪之色又有一拳可尚三獻未識 寶者道不在其治幸可貴於君子非賈害於匹夫流水之 俟覽者而求旃冀善價而不太 以變質豈匿瑕而為各將奪價於連城笑如泥於利 琢亦雕諸侯受瑞於國亦磨亦刻所以尚其名尊其德 類晉侯外府之珍處道固知而可假雖天子賜珪於 玉之美者是吾寶也異宋人越鄉之惠司城安得而使 主

以討其貳雖邦國之無虞必干戈之有備今者革車干乘子孫恢覇圖慮併吞臣實不敏請嘗試論王曰弧矢之利則乾效坤葢材德之並用故文武而兼存所以安社稷保 之氣雖寡人之不德知將軍之自試聞女子之難令豈習 介馬萬轡外多勁敵敢曠戎事誠願陳五兵之道用 趙郡 孫武試教婦人戰賦以題 人美原丞渙子

所示乃召内宰出麗嬪下高臺授武臣皇皇兮其令已由 鼓張奇正以導其進退制方圓而必中規矩武曰彼 後 欽定全唐文《卷七百十三 如李皆如貌如虎可以服楚越僻齊會惟大王之悉親豈 掩口當兵法之必誅雖君令之不受旣而易將更令整 惟王貌之自於念將軍之何有顧三令而卻立西再應 勿怙色而驕人於是建主首統諸婦示其左右約其先 肅兮其氣益振今日龍不可恃法有所遵當秉心以受 而能致不然者則無以表將軍之異武曰唯唯大王之 定伍開天門閉地戸審向背分客主角以持兵金以節 李銑

授以斧鉞使其攻戰王不失王道武不辱武戰戮二姬 卵之效將遇敵而可敵故難教而可教乃朝羣臣御正 名尤不若吳王有割愛之善 公肅元和初為太常博士聚修撰 幸公肅 惟元和五年十一月動將行藉田令有司詳定儀注 色匪作制敵國而軍聲大變於是孫子用兵有獨斷方 於虚聲以婦人之講武王曰始也出卿之術今也 請詳定籍田儀注奏

钦定全唐文 卷七百十三 游河東聞喜人以門陰入仕太和中拜河南尹歷刑兵 濟生靈德配天地故天皆報之以上壽垂祚於無疆伏 參諸故事二夫人並祔於禮為宜 臣聞除天下之害者受天下之利共天下之樂者饗天 部侍郎開成三年卒贈戸部尚書諡曰敬 裝潾 福故上自黃帝顓頊堯舜禹湯下及文王武王咸以 人般氏繼夫人柳氏其流甚多不可悉數略稽禮女 諫信用方士疏 裴潾 十九

斷 之|陛 生成祈陛下以覆載之永自然萬靈保佑聖壽無疆伏自 年以來諸處薦藥術之士有韋山甫柳沙等或更相 姓無求於代潜遁山林滅影雲壑唯恐人見唯恐人 迄今狂謬薦送漸多臣伏見以真仙有道之士皆匿 陛下躬親行之實光映千古矣是則天地神祗必報 妖兇開削平之洪業而又禮敬宰輔待以始終内能 以山岳之壽宗廟聖靈必福陛下以億萬之齡四海 外寬小故夫此神功聖化皆自古聖主明君所不能 以大孝安宗廟以至仁育黎元自践祚以來刻積 稱

藥石者前聖以之療疾益非常食之物況金石皆含酷 大言怪論驚聽或時及其假偽敗露曾不恥於逃遁如 知道之士咸為求利而來自言飛鍊為神以誘權貴賄 豈肯干調公卿自鬻其術今者所有考術其藥術者必 以奉人也是以聖人節而食之以致康强逢吉之福若 欽定全唐文 卷七百十三 狀豈可保信其術親餌其藥哉禮曰夫人食味别聲 其心夫三牲五穀稟自五行發為五味益天地生之所 而生者也春秋左氏傳曰味以行氣氣以實志又曰 醯 臨 題 梅以京魚肉宰夫和之濟之以味君子食之以 裴潾

臣子一 熱毒之性加以燒治動經歲月既兼烈火之氣必恐難 漢書皆可驗視禮曰君之藥臣先皆之親之藥子先皆之 聖文神武法天應道皇帝陛下合日月照臨之明稟乾 之人皆先服一年以考其真偽則自然明驗矣伏惟 福樂大李少君其後姦偽事發其樂竟無所成事者史記 制岩乃遠徵前史則秦漢之君皆信方士至如盧生 貞之德崇正若指南受諫如轉規是必發精金之刃 疑之網所有藥術虛誕之徒伏乞特賜罷遣禁其幻惑 也臣願所有金丹之藥伏乞先令鍊藥人及所薦 和

次定全喜文一卷七百十三 使刺史选相監臨臺中又有御史充館驛使專察過闕伏 驛館之務每驛皆有專知官畿內有京兆尹外道有觀察 侍從之中最近左右傳曰近臣盡規則近侍之臣上達忠 知近有敗事上間聖聽但明示科係督責官吏據其所 述等咸能竭其忠誠悉心規諫小臣謬麥侍從職奉起居 此矣伏以貞觀已來左右起居有褚遂良杜正倫呂向韋 款實其本職也 便浮雲盡徹朗日增輝道化件義農悠久配天地實在 請罷內官復充館驛使疏 裴潾 Ē

重 白ケンとアニーラ 殘虐豈合均於常典柏公成取貨於譬利母之死悖逆 齊人也元衡身非在官公成毋非部 漸事有不便必誠於初令或有妨不必在大當掃靜妖 之日開太平至理之風澄本正名實在今日 務則內臣外事職分各殊切在塞侵官之源絕出位 刑者公柄也在官者得施於部屬之內若非在官又 屬雖有私罪必告於官為之理以明不得擅行鞭捶 貶黜敢不惕懼日夜勵精若令宮闌之臣出參館 曲元衡擅殺議 屬而擅憑威力橫

欽定全唐文	•		性犯則必誅
欽定全唐文 卷七百十三 裴潾			
裘游			A STATE CONTRACTOR OF THE STATE
主			